



Inatsisartunut ilaasortaq Tillie Martinussen, Suleqatigiissitsisut  
/Maani

## Mittarfiit pillugit § 37 naapertorlugu apeqquteqaammut 2020-118-imut akissut

29-07-2020  
Suliaq nr.: 2020 - 12148  
ID nr. 55099279

Asasara Tillie Martinussen

Inatsisartut suleriaasianni § 37 naapertorlugu mittarfiit pillugit Naalakkersuisunut  
apeqquteqaateqarputit. Apeqqutitit uannit akineqartussatut innersuunneqarput.  
Apeqqutitit matumap kinguliani ataasiakkaarlugit allanneqarput, akissummillu  
malitseqarlutik.

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
Fax: (+299) 34 63 56  
www.naalakkersuisut.gl

### Apeqqut 1.

**Nuummi mittarfiliorneq qanoq ingerlava? Piffissatut pilersaarutigineqarsimasoq  
eqqarsaatigalugu kinguaattoorpa, pilersaarummit siusinnerusumik ingerlava  
imaluunniit pilersaarutitit ingerlava? Uani kingusinnerusukkut  
aallartinneqarnikuunera soorunami ilaanngilaq.**

*Akissut:*

Naalakkersuisut siulittaasuata Naalakkersuisoqarfia aqqutigalugu Kalaallit Airports A/S  
akissuteqarnissamut ilanngusseqquneqarpoq, Naalakkersuisut siulittaasuata  
Naalakkersuisoqarfialu ima paasissutissiivoq:  
*"Nuummi sanaartornissap kingusinaartumik aallartinneqarnerata, 2019/20-p ukiuunera  
nalinginnaasuminngarnit silarluttarnerata, covid-19-imillu patsiseqartumik 2020-mi  
marsimit maajip tungaanut suliaqarnerup killeqarsimanerata kingunerisaanik, Nuummi  
sanaartorneq qaammatit marluk-pingasut missaannik massakkut kinguaattooqqavoq.  
Kalaallit Airports International A/S-ip paasissutissiisutigaa, piffissaliussap  
nutarterneqarnissaa pillugu entreprenøri massakkut isumaqatiginninniarfigineqartoq,  
Nuummilu tunniussinissamut killissartinneqartumut kinguaattoorneq  
sunniuteqassanngitsoq naatsorsuutigineqartoq. Illuatungaanili Ilulissani mittarfiliorneq  
naammassineqarnissaa qaammatinik aqqaneq-marlunnik kinguaattuussasoq  
naatsorsuutigineqarpoq. Matumani Nuummi Ilulissanilu sanaartorneqit entreprenørimit  
ataatsimit, Munck Gruppen A/S-imit suliarineqarnerinik patsiseqarpoq. Nuummi  
kinguaattoorneq iluarsiumallugu, pilersaarutigineqaaqartuminngarnit sivisunerusumik  
Nuummi annerusumik Munck Gruppen suliaqarniarpoq, taamaalillunilu Nuummi sulisut  
atortullu amerlanerpaartaat nuutsinneqarnissaat 2022-p tungaanut kinguartinniarlugu.  
Mittarfiliassat taakku marluk annertuumik asfaltilersuilluni  
naammassineqartussaammata, issittumilu asfaltilersuisoqarsinnaanngimmat,  
asfaltilersuinermilu pitsaassuseq qaffasittorujussuusussaammat, Ilulissani  
asfaltilersuinissaq 2024-p aasaaneranut kinguartinneqarpoq."*

### Apeqqut 2.

**Mittarfiliornerni missingersuutit qanoq eqqortinneqartigaat, tassunga  
ilannullugu Nuummi mittarfiup illutaa? - Pilersaarutigineqartut ingerlava,  
missingersuutit qaangerneqarpat ataanneqarpalluunniit? Naalakkersuisut  
qinnuivigineqarput taarsigassarsiaassat erniallu aamma pilersaarutitit**

**ingerlanersut imaluunnit erniat, piffissaq taarsersuiffissaq allalluunniit allangorsimanersut.**

*Akissut:*

COVID-19-ip kingunerisaanik aningaasaqarnikkut kinguneqaataasinnaasut, Naalackersuisut Kalaallit Airports A/S oqaloqatigineratigut misissorpai.

Naalackersuisut naalagaaffiullu 2018-imi septembarimi isumaqatigiissuteqarnerini piumasarineqartutut, aningaasaliinissaq pillugu naalagaaffik Nordisk Investeringsbankilu (NIB) 2019-imi isumaqatigiissusiorfigineqarput. Isumaqatigiissutit taakku massakkumut allangortinneqarnikuunngillat.

**Apeqqu 3.**

**Mittarfiliorerit pillugit isumaqatigiissutaasimasut atorunnaarsinneqarpata qanoq akeqassava?**

*Akissut:*

Nuummi Ilulissanilu mittarfiliassanik suliarinnittussatut isumaqatigiissutinik Kalaallit Airports International A/S-i atorunnaarsitsissagaluarpat, mittarfilioreri tunngaviusumik tunngavigineqartut allangortinneqassapput. Taamaattumik isumaqatigiissutinik atorunnaarsitsisoqarpat annertuumik sunniuteqassaaq, immaqalu naalagaaffimmut isumaqatigiissutinik kiisalu taarsigassarsitinneqarluni aningaasalersuinissamik isumaqatigiissutit atorunnaarsinneqarnerinik kinguneqarsinnaassalluni. Taamatut iliuuseqarnermi aningaasaqarnikkut kingunissai, sulianullu allanut tunngatillugu Namminersorlutik Oqartussat tatiginassussaanut eqqorneqaataasinnaasup annertuumik misissuiffiqissaarnissaanik kinguneqartariaqarpoq, tamannalu Inatsisartut suleriaasianni § 37-imut sinaakkutissat avataanniittutut nalilerneqarluni. Taamaalilluni Naalackersuisut apeqqutigineqartoq akisinnaanngilaat, qularinaguli oqaatigisinnaallugu isumaqatigiissutit atorunnaarsinneqassagaluarpata, tamanna ingerlatseqatigiiffimmut aningaasaqarnikkut annertuumik annaasaqaataaffiussammat.

**Apeqqu 4.**

**Mittarfiliorerit qaqugu naammassissanersut Nalaackersuisut mannakkut qanoq isumaqarpat? Qinnuivigaassi mittarfinnut pingasunut tamanut piffissamik nutaamik saqqummeeqqullusi.**

*Akissut:*

Massakkut piffissaliussaq naapertorlugu, Nuummi mittarfissaq pilersaarutigineqartutut 2023-mi ukiup sisamarterutaata sisamaani atuutilissasoq naatsorsuutigineqarpoq. Piffissaliussaq nutartigaq naapertorlugu Ilulissani mittarfissaq 2024-mi ukiup sisamarterutaata pingajuani, sisamaaniluunniit atuutilissasoq naatsorsuutigineqarpoq.

Qaqortumi mittarfiliornissamut isumaqatigiissutissaq suli isumaqatigiissutigineqanngilaq, taamaakkaluartorli pingaarnertut piffissaliussaq naapertorlugu 2023-mi ukiup sisamarterutaata sisamaani atuutilernissaa suli sulissutigineqarpoq.

**Apeqqu 5.**

**Mittarfiit pingasut tamarmik naammassippata imminnut akilersinnaanerat ilimagineqartutut suni ippa? Nunarsuarmi aningaasaqarnerup kinguariartornera pissutigalugu Covid-19-ip ukiuni aggersuni arlalinni takornariaqarnermut angalarusussuseqarnermillu ajoqusiinera eqqarsaatigalugu.**

*Akissut:*

Ullumikkut angallasseriaaseqarnermi angalasartut amerlassusaat taamaaginnarnissaannik naatsorsuuteqarluni, Mittarfiit annertusaavigineqarneranni

inuaqatigiit aningaasaqarnerinut sunniutaasussanik nalilersuineq, Alloriarneq 2, suliarineqarpoq. Imaappoq, ullumikkut angalasartut assigalugit angalasoqartassappat, tamanna inuaqatigiit aningaasaqarnerinut pitsaasumik sunniuteqassasoq. COVID-19 sioqqullugu ukiut siuliini angalarsartut, oqaluttuarisaanermi aatsaat taamak amerlitigalutik ukiumut 5 procentit missaannik amerleriarnikuupput. Inuaqatigiit aningaasaqarnerinut kinguneqaataasussanik nalilersuineri, ilaasut naatsorsuutigisamik amerliartornissaannik naatsorsuutigisamit ilaasut ikileriarsinnaanissaat nammassinnaajumallugu, ilaasut mianersortumik 2 procentiinnarmik amerlissasut– imaappoq oqaluttuarisaanermi aatsaat taamak qaffatsiginerinit appasinnerusumik – nalilernerqarpoq.

Tassunga ilanngullugu paasissutissiissutigineqassaaq, inuaqatigiit aningaasaqarnerinut kinguneqaataasussanik nalilersuineri ukiut 25-t aallaavigalugit misissueqqissaarisooqarmat. 2024-mit siunissami angalatitsinerimut COVID-19 qanoq sunniuteqassanersoq maannangaaq ilisimaneqanngilaq.

Taamaakkaluartoq COVID-19-ip suliniutinut kingunerisinnaasai pillugit Naalackersuisut Kalaallit Airports A/S-imik oqaloqateqarpoq. Apeqqutigineqartup ersarinnerusumik akissuteqarfigineqarsinnaanissaanut, mittarfinnut taakkununga pingasuusunut ingerlatsinissamut pilersaarutinik nutartigaqanngilaq. Maannangaaq, aamma taakku nutarterneqareerpata, 2024-mi ukiunilu malitsigisaani angallanneq qanoq isikkoqarumaarnersoq oqaatigineqarsinnaanngilaq. Tamanna nunarsuarmi tamarmi timmisartuussineri atuuppoq.

#### **Apeqqut 6.**

#### **Mittarfiliornert taakkunungalugu aningaasaliinerit allangorneri pissutigalugu Naalackersuisut 2021-mut Aningaasanik inatsimmi allannguissamik pilersaaruteqarpat?**

*Akissut:*

Ilisimaneqartut COVID-19 patsisaalluni aningaasanut inatsisissap suliarineqarnissaa kinguaattooqqavoq, taamaattumillu apeqqutigineqartoq Naalackersuisunit suli akineqarsinnaanani.

2021-mut aningaasanut inatsisissap tamanut saqqummiunneqarneranut atatillugu, aningaasanut inatsisissatut siunnersuutitigut Naalackersuisut tulleriiarinerat tamanut, matumani aamma Inatsisartunut, saqqummiunneqassaaq. Tamanna aggustip naanerani pissasoq naatsorsuutigineqarpoq.

Neriuppunga apeqquteqaatitit qulaani allaqqasuni akineqartut.

Inussiarnersumik inuulluaqqusillunga

Karl Frederik Danielsen